

Ministri podržavaju usvajanje Zakona o Nacionalnom fiskalnom vijeću

Ministrica financija i trezora BiH Ljerka Marić, ministar financija Federacije Bosne i Hercegovine Dragan Vrankić i ministar financija Republike Srpske Aleksandar Džombić su se u ponedjeljak dogovorili da podrže izradu i usvajanje zakona na nivou BiH kojim će se regulirati status Fiskalnog vijeća BiH.

Tri ministra su postigla dogovor tokom sastanka u OHR-u sa prvim zamjenikom visokog predstavnika, Larryem Butlerom.

Fiskalno vijeće BiH, koje čine tri premijera i tri ministra financija, se u ovoj fazi neredovno sastaje da bi koordiniralo aktivnosti vezane za prikupljanje fiskalnih prihoda u BiH, što je jedan od ključnih zadataka svih funkcionalnih organa vlasti. Međutim, Fiskalno vijeće BiH djeluje na *ad hoc* osnovi. Zakon, u čijoj izradi trenutno sudjeluju članovi Radne grupe koju čine predstavnici Ministarstva financija BiH, Kabineta predsjedavajućeg Vijeća ministara BiH i entitetskih ministara financija, će omogućiti Fiskalnom vijeću BiH da funkcioniра na osnovu zakona i na taj način pojačati autoritet i poboljšati efikasnost ovoga tijela.

Tri ministra su razgovarali o osnovnim principima na kojima će se zasnivati Zakon, uključujući i odredbu kojom se predviđa da Fiskalnim vijećem BiH predsjedava Ministarstvo financija BiH a da tri premijera prisustvuju sjednicama samo kada je to potrebno da bi se postigao konsenzus. Također se predviđa da će rad Fiskalnog vijeća BiH koordinirati stalni Sekretarijat koji će Vijeću pružati i logističku podršku.

Ministri će nastojati da do kraja ovog mjeseca usaglase tekst nacрта Zakona, kako bi u maju Zakon bio prezentiran Parlamentu.